

und unkosten, so bis anher auff die promotion inn denselbigen faculteten gegangen, bequemlich lindern und messigen mochte, damit die promovenden sich also inn unser universitet promoviren zu lassen geraytzt, sich auch an andere ende zu wenden nicht verursacht, nach davon geabschautt werden, und haben ime unser bedencken, wie solchs unsers ermessens fuglich bestheen solde, zu erkennen gegeben, das sie ine dann allenthalben nit habenn misfallen lassen, daruff wir auch ettliche artickel und wie es hinfur inn einer itzlichen facultet der promotion halben solle gehalten werden inn ein ordenunge gestellet, die wir auch under unserm secret, auch mitt unser aygen handt unterschrieben hirmite überschigken. Und ist unser gnedigs gesinnen euch hirmite ernstlich be-
 vehlende, das ir dieselbigen artickel und ordenunge in eurer vorsammelunge offentlich
 lasset vorlesen und alsdann einer itzlichen facultet und derselbigen dechanden oder
 ordinarien die iren zustellet und mit ine vorfuegett, dieselbige unser ordenunge inn allenn
 artickeln hinfur unvorbruchlich zu halden. Ir wollet auch vleyssig auffsehen haben,
 ab sich imands dye zu ubergehen understehen wurde, und alsdan mitt straffe dermassen
 dargegen trachten, damit es nicht ungestrafft bleybe, auch andere darwider zu handeln
 abgeschauet werden, und hirmite an euerm vleysse nichts lassen erwinden. In dem be-
 scheidt unser wolgefellige und gentzliche maynunge. Geben zu Dresdenn sonntag nach
 Nicolai episcopi anno domini xv^c xxii^o.

An die universitet zu Leyptzk geschriebenn.

339.

20

Dr. Simon Pistoris theilt dem Herzog Georg verschiedene Mißbräuche und Uebelstände in der medizinischen Fakultät mit und bittet um deren Abstellung.

[Zwischen 1523 u. 1542.]

Hdschr.: Concept Hauptstaatsarchiv Dresden Leipziger Händel 1422—1553 loc. 10532 fol. 184 sq.

Ann.: Dr. Pistoris war von 1509—1523 Dekan der medizinischen Fakultät. Magister Auerbach (Heinrich Stromer aus Auerbach) starb im J. 1542.

25

Durchlauchtiger, hochgeborner furst, gnediger herr. Als mir euer furstlich gnaden befolenn hat und begeret anzuzueichenn standt, wesen auch defectus aber gebrechgen der facultet der arzney, hab ich das mith fleiß gthan und auff's korezte ezu vormeydenn oberflossigk angebung, und thu euer furstlich gnaden ezum ersten kondt, das keyne facultet hyr weniger vorsorget ist unnd meher nachteyl in allen hat, wenne
 dy facultet der doctores in der arzney, unnd mich beduncket doch das dy medici unnd
 doctores medicine also wol vor gemeynen nucz dynen und ezu gebrauchgen seyn also
 ergen ander doctores. Dy facultet ist nunt vorsorgeth mit ii collegiaturenn, dy da seyn
 ezu lectur gezcogen, das eyner so er eyn solch collegatur hat vorpflicht ist ezu lesßenn,
 das dy andern collegiaten nicht bдорffenn, und so gemeynicklich dy doctores in medi-
 cina wertlichges standes seyn, auch sich solch stand on geboret und elichge weyber
 habenn, derhalbenn sy in den collegio nicht seyn komen, so also denne eyner von
 solchger collegiatur aber lectur wy manß nennen wil, nicht meher ierlich eynkomen